

元人文集 下卷

元
代
史料刊
叢編
初編

黃山書社

危太樸集

危太樸集
錄一

敘錄

潘柏澄

危太樸詩集二卷文集十卷文續集十卷附錄一卷。元危素（一三〇三—一三七二）撰。素字太樸，撫州金溪人，所居近雲林山，友朋因以雲林號之。年十五即通五經大旨，據座爲人師，又問業於吳澄、范梈、虞集、孫轍，名動江右。至正二年用薦爲經筵檢討，與修宋遼金三史，五年改國子助教，七年除翰林應奉，轉宣文閣授經郎，明年復入翰林爲應奉，十一年遷太常博士，十三年轉國子監丞，擢兵部員外郎，十五年陞禮部郎中，拜監察御史，遷工部侍郎，明年轉大司農丞，又明年陞大司農少卿，復入禮部爲尚書，歷官所至皆有聲。十八年參議中書省事，建言擇將帥、舉賢才，時不能盡用。次年進御史臺治書侍御史，二十年拜中書參知政事，二十四年除翰林學士承旨，尋出爲嶺北行省左丞，明年棄官居房山。二十八年復起爲翰林學士承旨，甫至大都而明兵入城，素趨報恩寺井欲自沈，寺僧止之，曰：「公不祿食四年矣，非居位比。且國史非公莫知，公死，是死國之史也。」兵垂及史庫，素言於主帥，輦而出之，果朝實錄得無恙。明太祖召至南京，問以元興亡之故，甚見禮重。洪武二年授翰林侍講學士，三年兼弘文館學士，監察御史王著等劾其爲亡國之臣，不宜列侍從。詔出居和州，五年正月卒，年七十。所著除詩文集外，有草廬（吳澄）年譜一卷。其餘如奏議二卷、張文忠公（養浩）年譜一卷、宋史稿五十卷、元史稿等皆失傳。

素博學善文辭，至正中獨以文鳴天下，凡朝廷制作皆出其手，四方欲顯白先德者皆造其門。王懋竑稱其文「演迤澄泓，視之若平易，而實不可幾及」，四庫提要評其詩「氣格雄偉，風骨遒上，足以陵轢一時，就詩論詩，要不能不推爲元季一作者矣」。素雖以貳臣見譏後世，詩文固粲然可傳，至其中述事紀人之足資史家參稽，猶爲餘事。君子不以人廢言，於斯集又何可棄而弗觀歟？

素之詩集名「雲林集」，凡二卷，迺賢編次，後至元三年刻梓。惟明清兩代多以鈔本流傳，四庫全書即據鮑廷博知不足齋鈔本著錄。

素之文集名「說學齋稿」，凡十卷，素手書藏於家，明嘉靖三十八年歸有光猶及見，嘗命童子錄存之。清四庫全書著錄者四卷，蓋所據爲十卷之重編本。

民初吳興劉承幹刻「嘉業堂叢書」，收素詩文集三種；危太樸詩集（雲林集）用詠宋樓藏鈔本，較四庫本多補輯素詩八首。危太樸文集（說學齋稿）用峭帆樓藏康熙五十一年張深鈔本。另承幹自清代鈔本、刻本多種輯成「危太樸文續集」十卷，一併付刊，素之遺製大抵備具於此三編。茲即據以影印，藉供知人論世之助。

序

臨川危太樸釋書山房將有觀乎江海之上虞集酌酒
送之而爲之言曰夫士者有一鄉之士有一國之士有
天下之士一鄉之人有不得而見之者矣況
一國之士乎一國之士一國之人有不得而見之者矣
況天下之士乎環百井之里以爲鄉鄉之人多矣列千
里之封以爲國一國之境廣矣合萬邦之士以爲天下
天下之體大矣而士也以一鄉以一國以天下名其何
以知之乎邵子曰有百人之人有千人之人有萬人之
人非其等乎噫何其不常見也彼所謂天下之士必有
所居之國矣一國之士必有所居之鄉矣以天下之士

一國之士而處乎一鄉焉吾不待去親戚遠墳墓而得見之不亦幸乎去臨川五百里而近有一人焉清文厲行立志自信曰范君德機者太樸旣得而從之去臨川二百里而遠又有一人焉經明道立爲人師表而曰子吳子者太樸又得而師之矣是豈非天下之士一國之士而處乎一鄉者乎而二子者歿世矣宜乎吾子之徬徨適遠而有所求也吾聞諸孟子曰一鄉之善士斯友一鄉之善士一國之善士斯友一國之善士天下之善士斯友天下之善士吾子其行矣登東山則見魯矣登太山則見天下矣吾子得一鄉之善士而友之則吾子亦一鄉之善士矣得一國之善士而友之則吾子亦一

國之善士矣得天下之善士而友之則吾子亦天下之善士矣苟得天下之善士吾請從太樸而爲之執御焉雖然子亦欲子之善與孟子之言又有之矣蓋曰以友天下之善士爲未足又尙論古之人頌其詩讀其書不知其人可乎是固求至善之道也集老且病不足以有所適從將頌詩讀書思古人之微以遲子之還可乎至元三年十月雍虞集序

元詩片

欽定四庫全書提要

雲林集二卷

明危素撰皆在元代所作之詩納新爲編次成集者也素家居臨川相近有雲林山嘗讀書其上方壺爲作雲林圖陳旅等俱賦詩以記其事故集卽以是爲名朱彝尊曝書亭集有是書跋稱發雕於後至元三年則彝尊所見乃元時舊版此本卷帙相符蓋猶從原刻鈔傳者特彝尊跋稱前有虞集序而此本所載乃集贈行序一篇絕與詩集無涉似爲後人所附入觀其靜志居詩話亦稱前有虞集送行序則已自知其誤而改之矣素於元末

負盛名入明以後其人不爲世所重其文亦遂不復收拾故說學齋集僅存在元之文而此集亦僅存在元之詩不足盡素之著作然氣格雄偉風骨遒上足以陵轢一時就詩論詩要不能不推爲元季一作者矣原集共詩七十六首浙江鮑氏知不足齋本復從他書蒐采增入補遺十四首較爲完備今並仍而錄之焉

危太樸雲林集卷一

南陽 迺賢易之編

詩

鳳之飛

爲北庭安魯丁縣丞母撰

鳳之飛兮朝陽暉暉波鳳高翔兮將雛何之畚田有禾
饑不食兮山有惡木夕不棲兮西逝白日兮東流滄波
嗟嗟安母兮傷如之何

隴頭水

隴頭之水西向流莽莽寒雲草樹秋水中尙有秦時血
今古征人到此愁

贈兒大同甫之龍巖巡檢任

危詩一

嘉業堂校刊

青青宜洋柳牡馬何彭彭玉轡錦障泥兒侯向南征兒
侯俊哲姿粲粲東吳精壯志在勲業將爲先親榮十歲
學文章十五富六經心涵宇宙表思動江河傾三十辭
社邑萬里游燕京微官坐甌冷白髮日以生瀝血奏長
策青蠅乃營營踰輪受羈縲驚駘盡騫騰得官漳州去
疾風揚旗旌漳州海之裔經雪瘴癘清磨劍耀白日抨
弓殺長鯨素節凜冰霜威稜走雷霆黎氓盡富庶田里
安芸耕蠻方服仁義坐見治化成賤子託深眷離別益
無情月色落江水花氣通津亭廣筵集賓客高樓吹玉
笙天空北斗直酒罷鵲鵲鳴王事有期程行邁不遑寧
閩山莽遙遙楚雲浩冥冥昔如骨肉親今則參辰星夙

夜慎眠食莫畏難
難嬰丈夫誓許國
豈爲求斗升相期
在千古勉勉惟忠貞

懷母

季春天多陰往拜慈母墓
慟哭長松根聲徹泉下土
母歿兒尙髫兒啼母仍苦
兒長母不見歲遠益愁慕
白日向西流滄波自東注
淒淒石上雲翳翳谷中樹
撫景抱長恨蒼天莽難愬

送張月梅游江浙拜袁伯長學士

雲林山中三日雨樓上羣峰翠如堵
山人十載始歸山旋葺茅堂種松樹
踵門有客何消搖留之信宿去莫招
囊衣橐糧具舟楫千里一攬錢塘潮
東方大海天下無

風雷震盪羣龍趨蓬萊仙人袁大夫因卿爲問今何如

酬答葉國賓游演法觀

聱牙細路洞門寒松柏蕭森太乙壇
厓折倒流千歲乳井空深蓄九還丹
溫泉觸石陰雲起白露凋林古木攢
我愛登臨發高興賡歌自寫寄君看

山堂一首寄一二知己

結髮好經籍雅志顙山林靜恬屏世慮庶免外物侵
舍東一畝宅宴處神不淫沄沄碧澗流翳翳春雲陰
雙厓氣嘗萃渴日縣欽崑天景落姓沼源泉到來深
筠檜淨茸茸藤蘿鬱沈沈頗諧曠蕩意濟世寧無心
羲農安在哉周孔不可尋唯將一斛酒坐對南山斟
慷慨紫芝曲

慘淡梁甫吟，朋知日疏遠。何以相規箴。

寄山東黃君瑞

君瑞僑鄱陽，嘗有節婦白大娘詩。

龍虎山頭送子歸，三年不見重相思。更無書到金谿縣，空有人傳節婦詩。白鳥滄波春炯炯，寒雲落日樹離離。相期錦水江頭醉，爲報輕車已載脂。

和毛越見寄黃茅山道中絕句

十里黃茅路幾株，寒食花雲從山崦。沒日向石林斜。

杭州觀閱武和兒伯范

世祖丕圖天廣大，外臣雄鎮海門西。風高霄漢旌旗動，日射沙營劍戟齊。元帥虎符秋氣肅，三軍鱗甲曉塵低。百年禮樂今全盛，故國遺民已耄覲。